



SCERT NEWS LETTER



Email : scertmizoram@gmail.com

Visit us at: <http://www.scert.mizoram.gov.in>

Vol. VIII Issue No. 6 JUNE 2021 SCERT MIZORAM (Private Circulation)

Editor
Laldawngliani Chawngthu
Board of Editors :
Lalduhawmi Thomte
Lalngaizuali Ralte
P.C.Lalrintluanga
Vanlalhruii
R.Lalbiakdiki



Editorial ONLINE CLASS

Kan la hriat ngailoh leh kan la tawn ngailoh hmachhawn turin Covid-19 Hripui leng chuan zirna kalphungte tihmakmawhin min thlak danglam sak hret hret zel a, zirna in (class room) pawh luah hleih theih a ni ta lo Eng maw ti tak chuan hmasawna rahbi pawimawh leh tangkai, bul tanna tha tak chu a va ni tho si em !

Zirtirtu leh naupang ten Online tools leh teaching Learning Aids hmangin zirlai naupangte zirna pek an ni a, a hmangchang hriat a tul ta hle mai. Tunah chuan Google Meet, Google Classroom leh Zoom Application hmangin Internet online class kan ti ta fur mai anih hi. Thenkhat tan a harsa hrihin, a buaithlak nachin te pawh a awm ngei ang. Amaherawhchu, hripui leng avanga kan hun tawn mek hian lohtheihloh naah min hnuk lut ta miao si alawm le Hei bak baka zirna leh hna-thawh kalphung ah te CHANGE kan tih rik fo hi ava ni si em !

ACADEMIC WORK PLAN FOR HOME LEARNING 2021 - 2022

Kum 2021 – 2022 academic session chu COVID-19 pandemic avangin zirna inte hawn theih lohin a la awm mek zel a. School kai theih ni lo mahse, zirlai naupang te tan lehkhah zir chawlh ngawt theih a ni lo a, a tha ber bawh hek lo ang. Chuvangin, an zirlaite an bahlah lutuk loh nan theih ang ang an zir chhonzawm dan tur kawng zirtirtute leh nu leh pate pawhin kan ngaihtuah a tul ta a ni. Zirlaibua chapter tinah hian zir chhuah tur bituk (Learning Outcomes) a awm vek a. Chu zir chhuah tur bituk chu zirlaiten an zir chhuah ngei a pawimawh ber a, chu chu school an kal emaw an kal thei lo a nih pawhin an thiam chhuah ngei theihna tura hmalak chu zirnain a tum a ni.

Hemi atana zirtirtu, nu leh pa leh naupangte kawng kawhmuhtu tur Academic Work Plan for Home Learning-2021 – 2022 chu buatsaih a ni a. He Work Plan hian subject tin leh chapter tinte hawl kim vekin, naupangten anmahni ngei che chhuaka an tih tur activities te, project work te pawh tarlan vek a ni. Heng tih tur ruahmante hi a then chu mahni inhhunga tih theih mai, a then chu pawnlama tih ngai, a then chu thiante nena a huhova tih ngai chite an ni hlawm a. Kan hun tawn ang zel leh kan awmna hmun azira mahni remhriatna hmanga heng tih turte hi zirtirtuten siamrem te pawh a ngai thei ang. A pawimawh ber chu zirlaiten zir chhuah tur bituk hi an zir chhuah kha a nih avangin he Work Plan ang chiaah chiaha tih kher kha tum ber tur a ni lo tih hre tlang ila, a kawng inkawhmuhtu a nih ang takin hmang thiam ila kan sawtpui ngei pawh a rinawm.

He Academic Work Plan for Home Learning-2021 – 2022 hi a hmangtu tur zirlai zawng zawng ten tangkai taka an hman theih nan duhsakna kan hlan e.

ACTIVITIES DURING THE MONTH**TEXTBOOK MAPPING ON ENVIRONMENT EDUCATION IN PRIMARY SCHOOL :**

- *7th -11th June, 2021 chungin Workshop on Textbook Mapping to identify items Education Elementary School Text Book neih a ni. Hetah hian Elementary textbook chi hrang hrang 56-a Work Education bilhluh a nih dan en chhuakin a list siam vek a ni.*
- *'Workshop for Textbook Mapping on Environmental Education in Primary School chuth -18th June, 2021 chungin Environmental Orientation to School Education (EOSE), SCERT buatsaihin neih a ni. Hetah hian Mizo, English leh E.V.S. Primary School Textbook ah hian Environment lama inzirtirna (topic) a awm tha tawh em tih ennawn leh a ni.*
- *Workshop to Scrutinize and Proof Read Academic Work Plan-ah hian Academic Work Plan Middle school leh Primary school (English leh Mizo medium) tana siam chu Learning Outcome zulzuia ennawn leh a ni a. A famkim lo laite tifamkimin print theih tura siam a ni.*

TEXTBOOK CHUNGCHANG

- *School Zirlaibute - Class 1- 8 Textbook zawng zawng Lockdown avangin hralhchhuah tura pek chhuah tawh nimahse, hri laka kan him tlan theih nan leh dawra va lei mai te thil buaithlak anih avangin Website ah awlsam taka download theihin dah fel a ni ta e. SCERT Website ah hian lo lut ula - <https://scert.mizoram.gov.in/post/text-books> -ah Subject hrang hrang Mizo Medium leh English Medium School zirlaibu a awm vek a ni.*
- *7th-11th June, 2021 chung hian Director Pi Laldawngliani Chawngthu kaihhruainain 'Workshop on Mental Health and well-being for School Children neih a ni a, Coordinator Pi Caroline Zoramthangi, Deputy Director leh SCERT Officer te an tel. He workshop neihna ah hian naupangte zirna hmanrua atana pawimawhte (materials for guidance of School Children on Mental Health and well-being) buatsaih leh enho a ni.*

Contd from prepage..

SCERT-in Academic Work Plan for Home Learning a duan chu SCERT Official Website ah a mamawh tuten awlsam zawka an lo download theih tura PDF a dah a ni.


- | | | |
|-----|---|---|
| 1) | <i>AWP for Home Learning for Middle School</i> | <i>Social Science & Environmental Science</i> |
| 2) | <i>AWP for Home Learning for Middle School</i> | <i>Science</i> |
| 3) | <i>AWP for Home Learning for Middle School</i> | <i>Mizo</i> |
|) | <i>AWP for Home Learning for Middle School</i> | <i>Mathematics</i> |
| 5) | <i>AWP for Home Learning for Middle School</i> | <i>Hindi</i> |
| 6) | <i>AWP for Home Learning for Middle School</i> | <i>English</i> |
| 7) | <i>AWP for Home Learning for Primary School</i> | <i>Mathematics (Mizo Medium)</i> |
| 8) | <i>AWP for Home Learning for Primary School</i> | <i>EVS (Mizo Medium)</i> |
| 9) | <i>AWP for Home Learning for Primary School</i> | <i>Mathematics (English Medium)</i> |
| 10) | <i>AWP for Home Learning for Primary School</i> | <i>Hindi (English Medium)</i> |
| 11) | <i>AWP for Home Learning for Primary School</i> | <i>EVS (English Medium)</i> |
| 12) | <i>AWP for Home Learning for Primary School</i> | <i>English</i> |
| 13) | <i>AWP for Home Learning for Primary School</i> | <i>Mizo</i> |

If you see the moon .. You see the beauty of God ... If you see the Sun ... You see the power of God ... And.. If you see the Mirror .. You see the best Creation of GOD .. So Believe in YOURSELF.

B.ED.SPECIAL EDUCATION, SCERT

- i) *Hun khirh tak kan neih chhoh leh tak avangin B.Ed Special Education chu Offline-a Class neih zel a rem tak loh avangin Online Class Google Apps hmangin April ni 13, 2021 atang khan May thla tawp thleng neih tura ruahman a ni a, hun danga la neih ngailoh nimahse, hotute kaihhraina leh B.Ed.Special Education hnuuia thawkthute tanhona thatak avangin he online class hi inlam atanga vilin tluang taka neih chhunzawm zel a ni.*

EXAMINATION : *Mizoram University (MZU) in ni 16.06.2021 atangin Even Semester Exam (IInd & IVth Sem) Notice a tih chhuah angin exam hi tan a ni. Exam atana pawimawhte Internal Assessment, Paper checking, Assignment, Practical te a theih ang angin Youtube hmang tangkaia neihpui a ni bawk. Exam hmachhawn tura thil tul pawimawh zawng zawngte MZU Portal kaltlanga tihfel a ni a, IInd & IVth Semester Examination hi Mizoram Sawrkarin Covid-19 inkaihhraina (S.O.P.) a chhuah zawm chungin Online mode-a conduct a ni a, B.Ed.Official ten SCERT Auditorium atangin screen lianin zirlaite exam lai hi ngun taka lo vengin vilchilh an ni. IIIrd Semester leh IVth Semester te hi ni inkar thlakin an exam an nei thin.*



IIrd & IVth Semester Examination hi 07.07.2021 (Thursday) khan tluang taka neih zawh a ni a, Online mode-a exam buatsaih anih avangin Aizawl khaw pawn lama zirlai awmte pawhin hrileng avanga hun harsa tak karah Internet signal thatna hmunte rawn panin he semester exam hi an hmachhawn takmeuh hlawm a, harsatna leh buainate paltlanga exam hun chhung zawng Pathian kaihhraina dawnga a tawp ni ber thleng thei leh zawh fel a ni thei hi a lawmawm takzet a ni.

PwD zirlaite pawh an writer ten uluk taka thutchilhin exam an hmachhawnpui a, an tana theihtawp lo chhuahpuitute chungah pawh SCERT hotuten lawmthu a sawi tak meuh meuh e.

- ii) **ADMISSION :** *Session thar atan B.Ed.Special Education 2021-2023 chu Online Application for Admission hawn a ni a hetah hian Visual Impairment (VI) Seat 30 kan neihah dilna 3 6 lutin Hearing Impairment seat 30 awmah dilna 31 a lut a, a vaiin dilna hi 670 a lo lut a ni. Online bawkin personal interview neih a ni a, heta ti tha te atang hian B.Ed. Special zir tur zirlai 60 te chu lak an ni.*



GUIDANCE & COUNSELING

(Career Planning thla hmasa ami chhonzawmna)

Section II : Zirna kawng hrang hrang thlantheih te

Arts & Humanities Stream:

Arts & Humanities-ah chuan mihringte hun lo hman chhoh kawnga an tawn hriatte leh an lo vawn thatte zir a ni a. Kan khawvel kalphung kan hriatthiam theih nan philosophy, literature, religion, art, music, history leh language hmanga chhinchhiah ani a, heng te hi humanities subject huangchhunga mite anni. Arts stream hian zirlaite tan career thlan tur remchang tamtak a siam sak a. Stream kan hriat hmasak pawl anih vang ani mahna, zirlai tam zawkin an thlan a ni fo thin. Arts stream chungchangah hian hman atangin ngaihdan diklo deuh a lo awm thin a. Tam tak hian lehkhia thiam thei vak lo te subject lak tur emaw an ti thin a ni. Hei hi a diklova. Arts stream-ah hian subject phurawm tak tak a tam em em a, exam te tha taka patlang turin tuichilh a ngai a. Arts stream-ah te hian Civil Service Exam hlawhtlin theihna tur subject hrang hrang a awm tam hle a ni.

Arts stream hian a huam zau hle a. Heng zirna peng hrang hrang - visual arts (painting, sculpting, drawing etc), performing arts (music, dance, drama etc), literary arts (languages, literature, philosophy etc), history, law, humanities subjects, geography, political science leh a dang tamtakte hi a huam a ni.

Arts stream thatnate:

- Ngunthluk taka thil zirchiang thiam tur leh fiah taka hrilhfiah thei turin Arts Humanities hian zirlaite a buatsaih a ni.
- Naupangin hna a hmuh nghal mai loh pawhin, nakin lawka hna a mamawhna anga mi biangbiak thiam, fng taka thil hisap thiam, chik taka thil zir thiama thawk thei turin a buatsaih a ni.
- Thil chinchanglakkhawm te an thiam avang leh chiang taka ziahchhuah leh an thiam avang hian, Private company leh hna thawhna hrang hrangamite hian Humanities background neite hi an thlang zawk fo a ni.

Commerce Stream:

Commerce hi Education hnuaiyah chuan, sumdawnna lam zir bingna kan ti thei ang. Mipuite hnena bungraw chhawpchhuaktute hnen atanga a hmangtu turte hnena lak luh leh tawlhchhuah (bungraw lei leh hralh) lam zirna a ni. Chiarkawp leh sumdawnna lama tui mi tan leh sum leh pai renchem thiam tan subject zir nahawm tak a ni. Hriattur pawimawh tak mai chu, Commerce subject la tan class 12 pass hnuah Medical emaw Engineering lam a zir theih loh a. Tin, Science stream-ah a inthlak theih tawh loh a, mahse Arts stream-ah erawh a inthlak leh theih thung a ni.

Eng Industry-ah pawh thawk la, commerce i hriatna khan hnathawh kawngah a pui dawn che a ni. Sum leh paia indawr leh pawisa deh vel atanga a tunlai thei ang bera hnathawh dan hriatna leh thiamna thlengin i zirchhuak dawn a ni.

Science Stream:

Rilru-a hisapna kochhuak thei thil lo thleng leh lo awmsa te Mita hmuh, ngaihruata a lan dan leh tawnhriat hmanga felfai leh awmze nei taka zirna hi 'Science kan ti thei ang. Science zirna hian a huam zau em em a. Kan hmuh theih leh hmuh theihloh chanchin zawng zawng deuh thaw a huam a ni. Universe chhunga engkim mai hi Science atang hian a zir theih a ni. Education hian Science hi hlawm lianpui pathum - Physics, Chemistry leh Biology-ah te then a ni a. Doctor emaw, Engineer emaw nih tum tan chuan science leh mathematics thiam em em tur a ni.

Vocational Stream:

Hna in a phut, theihna leh thiamthil bik zirna hi vocational course a ni a. Vocational course hi practical taka zir anih avangin mi taima leh tumruhte tan thlan chi tak a ni. I thiamna, theihna leh tuina a zirin vocation hrang hrang zir tur a awm a, hemi course hmang hian i tuina zawnah eizawnna hlawhtling tak i nei thei a ni. Mi talent nei thate tan chua mahni chem kalna zawng luhchilh vat mai hi a fin thlak zawkna a awm. Amaherawhchu mahni line-a hlawhtling khawpa tuichilh leh inzir chhonzawm reng peih mi nih a pawimawh hle thung.